

附一姑息之戒

吾邑甲子歲一子一女同時出痘女痘細碎兼
且與肉色無別不可爲矣其子痘雖稠密却得
充肥但色過於紅血太熱耳痘可五成得藥三
劑可以不死以血活也十五劑而諸病可潛消
彼竟快意進藥三劑以後執意不服強灌之而
皆吐且神色俱變以姑息之故而恐強灌不藥
余勸之曰血鉅鉅熱不清涼之後火帶火

而收餘毒可畏今強之以藥後免受苦彼以姑
息而終不藥後果帶火而收二目不開十二日
矣後邀余視余曰前言之詳矣今目過期而不
開其症甚重幸其胃氣開而能食可無害於生
特其目可慮耳若急藥猶可爲也終姑息而不
肯強後二目皆廢悔何及矣

四成半痘。至於不足五成僅得四成半則又
險矣大概皆類五成但諸症較五成而稍重耳

用藥大劑可二十一二服又有較五成半而稍重較四成而稍輕者謂之四成二三分藥可三十劑其中細微曲折筆難逐項形容閱歷久而自得之

附一倒出治驗

清涼坊燭老一公郎六歲甲戌出痘熱不二日而出雖熱而不燥間亦能食微覺腹痛身上磊磊三朝面無一點痘犯倒出形痘家之所最忌

也先出一顆在胸前鬆活而潤却亦見老長熱
勢較前漸輕燭老年方半百止此一公且又清
奇可羨見其出痘舉家徬徨至於無措予慰之
曰雖犯逆出然胸下一粒既能鬆活後頭面未
必糊糝且熱漸輕後出有限大約在四成以上
用藥萬無一失卽以_二大黃八錢生_一石羔亦如
其數餘佐以青皮赤芍木通旁荆更加枳實倍
用山查以傷食而腹痛也連進二服大便秘一下

諸症霍然次日頭面透齊雖稠而勻通身亦磊
落有板有白面紅者色近於艷此四成半痘也
藥得二十餘劑燭老惑於不諳者之言懼其藥
之太峻也欲別投門戶胡素老聞之急赴其家
曰一投別門此子休矣力主其說而復懇予之
更切也余憐其子嗣之艱亦卽身任其事因素
過於姑息進藥艱難以三劑合一劑用大黃貳
兩五錢生地三兩餘亦類加去石羔枳寔幽查

加紫艸六錢日一重劑二次服至六朝血勻而
綻七日頭漿滿而身漿半八日去紫草青皮加
石羔漿足光澤明潤胃氣大開九日膿老十日
血收漸靨大便五日不見却不覺其艱亦不理
其事至十二日方下大便不乾亦不泄十二日
弗藥以後飲食愈強肌肉生長精神倍增舉家
欣喜遂爲異傳云

附一不紅治驗

東臯鄧上老次公鄧五歲時痘在踈密之間却亦磊落有板者亦有嫩者通身絕無血色宛似白介公五子之痘但多油光耳色以油光較之彼而更重矣僅得四成一二分前數日衆說紛紛而無定見邀余視之已六日矣七日當行漿六日夕而血猶不透亦危急之會也予卽以大黃八錢暫去生地加歸尾紫艸桃仁餘佐以青皮赤芍木通荆旁連投二服至二更時活活潑

潑血漿透出予曰萬無一失矣其兄問曰得藥
幾何予曰三十劑衆皆愕然又二服次日晨七
朝矣正面血皆透至午血過環跳至晚通身皆
逗板者亦鬆而面已行漿矣去歸尾紫艸桃仁
加生地日夜五劑大便秘日四五次下黑血水如
墨汁三日方盡八日光壯如珠九日膿老如蠟
飲食大進以根血猶紅加石羔八錢十日正面
血收十一日身血亦收熱勢頓和以後不藥而

愈計其藥劑正三十劑相視大笑始信余言之
不誣也

四成痘○痘僅四成則是險之又險矣毒蘊於
腎其出也由腎而脾自脾而肝自肝而肺而心
毒升一經則輕一等漸升而至於心肺上乘之
地則又寬緩之至也故其熱猶豫而不迫其出
亦從容而不紊先見於頭面次及遍身磊落勻
朗所以爲順若四成痘僅至肝勢不可遏觀其

兩目徬徨筋抽脉惕或見點後而搐風或凡所
見而憎惡是其驗也故熱一日餘而卽見點不
先於面而先於身有次日而面始見者卽見亦
不鬆不長乾紅其色有三日而始見者必緊細
而板間有一二日可觀者幸得磊落天庭不至
糊模兩鬢口旁不至攢聚頷下不至堆簇耳故
其發熱也必日重一日至三餘而始稍輕稽其
症有忽汗忽燥者有昏瞶如迷者有身熱肢冷

者有大瀉如注者有二便艱塞者有小水短縮
者有腹痛不已者有大吐乾嘔者有謔語不止
者有妄聞妄見者有大渴不已者有煩燥如狂
者有目紅面赤者有弄舌哈舌者忽然喊叫而
若有所見猝然驚惕而若有所捫身雖熱猶潤
而不燥口雖渴而不至生胎神情多端大都顛
是待出齊而始安其熱方退頭面必稠於身觀
其形或板或焦頂或有鼠跡瓢沙間乎其中得

餘痘不細碎亦有鬆活蒼老者此氣爲毒錮爲火蝕而不得上達也觀其色或乾紅或紫黯或絳紅或紫白與淡紅相間或均勻嫩紅而油光或磊落而純無血色此血爲火灼爲毒淤而通塞不勻也四日出齊安靜半日而卽作煩身無安放百般不足舌胎唇燥忽然叫哭此毒火蘊於血中血不得透面故不寧也五日雖長而板四肢先出者起水泡六日雖有血色而不勻面

雖微活而身黯七日面不行漿雖有漿色或板黃或紫黯通身或如蒙垢或板寔不鬆根無盤暈八日不成膿兩鬢猶如晦色正面若有歛意而色乾赤通身非板蕉卽水泡九日乾收瘳不能禁抓破無血形如剥兔咬牙寒戰大渴不食痰湧咽唾至十三日而不生矣此痘治之於三日前熱勢可和渴亦可減後二日出者形亦得鬆色亦得潤時日寬緩治之亦得從容若治之

於四日大劑日夜可四服治之於五日一日夜則可五服何也以時迫也六日則急促七日則無及矣此症共計得藥四十餘大劑則無病矣雖然難矣哉治之得兮罔不生化之一失罔不亡在醫者不可優游探試在病家無容姑息畏縮先急於破血而兼行氣大便務使其下如漆如膠之物則毒血不容不動矣五日正面務使血透起於兩頤漸滿兩腮次及胸背六日周身

血勻頭面放白餘痘俱鬆綻七日正面行漿遍
身放白八日正面成膿周身光壯如珠紅活可
觀如血色太紅身太熱者多加石膏生地大劑
涼血九日膿老而面血漸收如色太重急於涼
血恐帶火收靨作痒太渴寒戰也後日餘毒卽
此而中十日結痂血盡毒解亦有十一日而始
結痂者痂得榮潤熱得溫和飲食大進神情開
爽此症候也稍有不及期者藥不到家也卽當

加劑以追之七日前務使其血色和潤根鬆頂
綻八九日務使其膿滿光澤十日後務使其血
盡熱和則得之矣四成之痘雖有千態萬狀大
都皆顛於斯治法雖有輕重遲速大約不出乎
此苟能細心審量觸顛旁通神而明之萬無一
失矣筆不及悉者下見於治驗

附一紫黯治驗

東隄徐子老二公郎六歲出痘於庚午夏痘在